

«АЛМАТЫ ҚАЛАСЫ ЭКОНОМИКА ЖӘНЕ ҚАРЖЫ БАСҚАРМАСЫ»

КОММУНАЛДЫҚ МЕМЛЕКЕТТІК МЕКЕМЕСІ

«БЕКІТІЛДІ»



**Алматы қаласы Экономика
және қаржы басқармасы
басшысының міндетін
уақытша атқарушы**

Е. Әмірғалиев

Е. Әмірғалиев 2025 ж.

А. Иса Бұғайрат

**Алматы қаласы Экономика және қаржы басқармасы
аудандардың және қаланы
абаттандыру бюджетін жоспарлау бөлімі
ЕРЕЖЕ**

1. Жалпы ережелер

1. Аудан бюджетін жоспарлау және қаланы абаттандыру бөлімі (бұдан әрі – бөлім) Алматы қаласы Экономика және қаржы басқармасының құрылымдық бөлімшесі болып табылады (бұдан әрі – Басқарма).

2. Бөлім өз қызметінде Қазақстан Республикасының заңдарын, нормативтік құқықтық актілерді, Қазақстан Республикасының Еңбек кодексін, Қазақстан Республикасы мемлекеттік қызметшілерінің Әдеп кодексін, «Сыбайлас жемқорлыққа қарсы іс-қимыл туралы», «Мемлекеттік қызмет туралы», «Қазақстан Республикасындағы жергілікті мемлекеттік басқару және өзін-өзі басқару туралы» Қазақстан Республикасының Заңдарын, Қазақстан Республикасы Президентінің Жарлықтарын, Қазақстан Республикасы Үкіметінің қаулыларын, қала әкімдігінің қаулыларын, Алматы қаласы мәслихатының шешімдерін, Алматы қаласы әкімінің шешімдерін және өкімдерін, Басқарма туралы Ережені, бөлім туралы Ережені және осы лауазымдық нұсқаулықты басшылыққа алады.

3. Бөлімнің құрылымын, штат санын «Мемлекеттік қызмет туралы» Қазақстан Республикасының Заңына сәйкес Басқарма басшысы бекітеді.

4. Бөлім:

- 1) бөлім басшысынан
- 2) бас маманнан
- 3) бас маманнан тұрады.

2. Аудан бюджетін жоспарлау және қаланы абаттандыру бөлімінің негізгі міндеттері, функциялары, құқықтары мен міндеттері

Міндеті: қала бюджетін келесі әкімшілер бойынша жоспарлауды жүзеге асыру: қаладағы аудан әкімінің аппараты, қоғамдық кеңістікті дамыту басқармасы, коммуналдық инфрақұрылым және тұрғын үй инспекциясы басқармасы, экология және қоршаған орта басқармасы.

Функциялары:

- 1) тиісті жергілікті бюджет комиссиясының ұсынысы бойынша шығыстарға бюджеттік шолу жүргізу;
- 2) қаланың әлеуметтік-экономикалық даму көрсеткіштері мен даму жоспарына негізделе отырып, бюджет шығыстарын жоспарлау;
- 3) бюджеттік бағдарламалар әкімшілерінің шығыстар лимиттерін айқындау және оларды бюджеттік бағдарламалар әкімшілеріне жеткізу;
- 4) бюджеттік бағдарламалар әкімшілерінің бюджеттік өтінімдерін қарау, оларды лимиттер мен Бюджет кодексінің талаптарына сәйкестігіне талдау жүргізу, тиісті қорытындыны қалыптастыру;
- 5) бюджеттік бағдарламалар әкімшілерінің бюджеттік өтінімдері бойынша қорытындыларды бюджет комиссиясының қарауына шығару және сол қорытындылар бойынша бюджет комиссиясының ұсыныстарын әзірлеу, қажет болған жағдайда оларды пысықтау;

- 6) тиісті бюджет комиссиясының ұсыныстары негізінде бюджеттік бағдарламалар паспорттары бойынша жиынтық ақпаратты қалыптастыру;
- 7) қалалық мәслихаттың бюджеттің тиісті кезеңіне арналған шешімі жобасын кураторлық бағыттар бойынша әзірлеу;
- 8) нақтыланған қала бюджеті жобасын қалыптастыру және оны бюджет комиссиясының қарауына енгізу, мәслихаттың қала бюджеті туралы шешіміне өзгерістер мен толықтырулар енгізу туралы шешім жобасын ұсыну;
- 9) қалалық бюджетті секвестрлеу және түзету рәсімдерін жүргізу;
- 10) жалпы сипаттағы трансферттерді есептеу бойынша үлгілік әдістеме негізінде қалалық бюджеттің болжамды шығыстарының көлемін есептеу;
- 11) мәслихаттың қала бюджеті туралы шешімін іске асыру жөніндегі қала әкімдігінің қаулысы жобасын әзірлеу (кураторлық бағыттар бойынша);
- 12) кураторлық бағыттар бойынша қала бюджетін жоспарлау кезінде азаматтық бюджетті қалыптастыру;
- 13) кураторлық бағыттар бойынша жергілікті бюджет комиссиясының отырысына ұсыныстар енгізу;
- 14) жалпы сипаттағы трансферттер мен еңбекақы қоры бойынша есептерді жасау және ұсыну;
- 15) мемлекеттік мекеме қызметкерлерінің қызметінің тиімділігін бағалау;
- 16) жеке және заңды тұлғалардың өтініштерін, петицияларды қарау;
- 17) кураторлық бағыттар бойынша бюджет жасау мәселелері жөнінде ұйымдармен хат алмасу жүргізу.
- 18) әлеуметтік, табиғи және техногендік сипаттағы төтенше жағдайларды жою үшін жергілікті атқарушы органның төтенше резерві есебінен іс-шаралар өткізу туралы әкімнің қаулысын енгізу

Құқықтары:

- 1) Қазақстан Республикасының қолданыстағы заңнамасы шеңберінде Басқарма бөлімдерінен, Алматы қаласы әкімі аппаратынан, Алматы қаласы әкімдігінің құрылымдық бөлімшелерінен және өзге де ұйымдардан қажетті ақпаратты сұрату және алу;
- 2) бөлімнің құзыретіне кіретін мәселелер бойынша ұсыныстар мен ұсынымдар енгізу;
- 3) бөлімнің құзыретіне жататын мәселелер бойынша шешімдер қабылдау;
- 4) бөлімнің құзыретіне кіретін мәселелер бойынша белгіленген тәртіппен Алматы қаласы әкімдігінің қаулылары, әкімнің шешімдері мен өкімдері, мәслихат шешімдері жобаларын енгізу;
- 5) бөлімнің құзыреті шегінде басқа мемлекеттік органдардың сұратуы бойынша ақпарат ұсыну;
- 6) Қазақстан Республикасының заңнамасында көзделген өзге де құқықтарды жүзеге асыру.

Бөлімнің міндеттері:

- 1) өз өкілеттіктерін жүзеге асыру барысында алынған коммерциялық, қызметтік және өзге де заңмен қорғалатын құпия ақпаратты Қазақстан Республикасының заңдарында көзделген жағдайларды қоспағанда, таратпау;
- 2) Қазақстан Республикасының қолданыстағы заңнамасында көзделген тәртіппен жеке және заңды тұлғалар өкілдерінің өтініштерін қарау;
- 3) бөлімнің құзыретіне кіретін мәселелер бойынша түсіндірмелер беру;
- 4) қызметтік және еңбек тәртібін сақтау;
- 5) Қазақстан Республикасының заңнамасында көзделген өзге де міндеттерді орындау.

3. Бөлім қызметін ұйымдастыру

Бөлімнің қызметін негізгі ұйымдастыруға келесілер жатады:

3.1. бөлім өзіне жүктелген негізгі міндеттер мен функцияларды іске асыру үшін Қазақстан Республикасының заңнамалық актілеріне, Қазақстан Республикасы Президентінің актілеріне және өзге де нормативтік құқықтық актілеріне сәйкес қажетті өкілеттіктерге ие.

3.2. бөлімді Қазақстан Республикасының заңнамасында белгіленген тәртіппен Басқарма басшысы тағайындайтын және қызметінен босататын басшы басқарады.

3.3. бөлім басшысы Бөлім қызметіне жалпы басшылықты жүзеге асырады және Бөлімге жүктелген міндеттер мен функциялардың орындалуына дербес жауапты болады.


3.4. бөлім басшысы болмаған кезде (іссапар, демалыс, сырқат) оны бөлімнің бас маманы уақытша алмастырады.

3.5. бөлімнің бас маманы уақытша еңбекке жарамсыздық, демалыс, іссапар және басқа да себептермен болмаған жағдайда, оның міндеттері бөлім басшысына немесе бөлім басшысының шешімі бойынша басқа бас маманға уақытша жүктеледі.

3.6. бөлімнің құзыретіне кіретін мәселелер бойынша басқа бөлімдерге жолданатын құжаттарға бөлім басшысы, ал ол болмаған жағдайда – бас маман қол қояды.


Алматы қаласы

**Экономика және қаржы басқарма
басшысының орынбасары**



А. Асқарбеков

**Аудандардың және қаланы
абаттандыру бюджетін жоспарлау
бөлімі басшысы**



А. Құрамаев